

Proxecto GCU Maris

BASES DA CONVOCATORIA

1. OBXECTIVO

Co fin de contribuír á mellora da formación e habilidades da mocidade, o Grupo Compostela de Universidades (GCU) promove a participación do alumnado das universidades socias da rede no proxecto **GCU Maris**.

Devandito proxecto conta co financiamento da Secretaría Xeral de Universidades da Xunta de Galicia e coa colaboración da Fundación Traslatio, a través do seu programa Iacobus Maris.

2. ASPIRANTES E PRAZAS

Os estudantes das universidades socias do GCU –estudos de grao, posgrao e doutoramento– poden presentar as súas candidaturas para tomar parte na primeira edición do **GCU Maris**.

Co propósito de que sexa posible a participación destes, as universidades socias do GCU deben estar ao día no cumprimento das súas obrigacións estatutarias coa rede.

Na goleta Atyla dispónse de 15 prazas reservadas ao alumnado da rede universitaria.

3. DATAS E DESENVOLVEMENTO DO PROXECTO

O proxecto desenvolverase do 17 ao 24 de xullo de 2022.

As persoas seleccionadas deben presentarse o 17 de xullo ás 16:00 horas no porto de Matosinhos (Porto, Portugal), a fin de iniciar a súa participación nas actividades relacionadas coa iniciativa. O 24 de xullo ás 11:00 horas darase o proxecto por finalizado e poderán iniciar a viaxe de regreso aos seus lugares de orixe.

O detalle do programa previsto para o desenvolvemento do proxecto pode consultarse na páxina do **GCU Maris** na web do Grupo Compostela de Universidades.

Os organizadores establecerán un programa de actividades diario destinado ao alumnado, que lle permita establecer unha rutina destinada a ampliar os seus coñecementos e habilidades, tanto na área da navegación como no da comunicación. Durante a travesía estarán acompañados da tripulación e un/a experto/a.

Proxecto GCU Maris

BASES DA CONVOCATORIA

4. COSTE DA MATRÍCULA

O custo da matrícula no proxecto é de 260 euros por participante.

Os participantes deberán xestionar e cubrir os traslados ata o punto de saída e regreso.

5. FINANCIAMENTO

O programa está parcialmente financiado polo goberno de Galicia a través da Secretaría Xeral de Universidades da Xunta de Galicia. Este financiamento cobre o 75% do custo real da actividade, excluídos traslados.

Ademais, o Grupo Compostela de Universidades financia os custos da matrícula na actividade do/a experto/a acompañante.

6. BOLSAS

O alumnado pertencente ás universidades públicas galegas, cuxa unidade familiar dispoña dun nivel de renda familiar inferior a 20.000 euros anuais, poderá optar a unha das tres bolsas destinadas a cubrir o custo total da actividade. Ditas bolsas son ofrecidas polas seguintes institucións:

- ✿ **Fundación Traslatio.**
- ✿ **Sail Training España.**
- ✿ **Cenaútica.**
- ✿ **Grupo Compostela de Universidades.** Tres bolsas que cubrirán os custos de viaxe (ida e volta) das persoas beneficiarias das anteriores axudas.

7. INSCRICIÓN

7.1 INSCRICIÓN XERAL

Os/ as aspirantes das universidades socias do GCU que desexen participar no proxecto **GCU Maris** deberán presentar a súa candidatura mediante o **formulario electrónico de solicitude**. Este formulario deberá ser cumprimentado obrigatoriamente en liña e en inglés para que a candidatura sexa aceptada.

Proxecto GCU Maris

BASES DA CONVOCATORIA

Ademais, deberán **achegar** a seguinte **documentación no formulario electrónico**:

- ✿ **Certificado ou documento oficial** que acredite que se están cursando estudos oficiais de grao, posgrao ou doutoramento nunha universidade socia do GCU no ano e datas de realización da presente actividade. Aceptarase igualmente a presentación dunha carta acreditativa da pertenza á universidade por parte do/da delegado/a de o GCU nos termos e cos contidos sinalados.
- ✿ Copia escaneada das páxinas que conteñen datos do **documento nacional de identidade** ou **pasaporte**.
- ✿ **Certificado ou documento oficial** da nota media do expediente no momento da presentación da solicitude.
- ✿ **Certificado ou diploma** que acredite coñecementos de inglés e español, oral e escrito. Mínimo B2, se o español ou inglés non son a súa lingua materna.
- ✿ **Carta de motivación** redactada en inglés na que se expoñan as razóns polas que se quere participar nesta actividade. Máximo 200 palabras, excluídos os espazos.

7.2 INSCRICIÓN PARA ASPIRANTES A BECA

Ademais, aquelas persoas que desexen **optar a unha das bolsas**, deberán presentar tamén **un certificado de IRPF de ingresos da unidade familiar** ou **declaración de estar exenta** da mesma.

O prazo para o envío das candidaturas finaliza o **5 de xuño de 2022**.

Aquelas persoas que non presenten a documentación esixida serán excluídas do proceso de inscrición sen posibilidade de corrección.

En canto ás consultas ou dúbidas sobre a presentación destas solicitudes, estas poden trasladarse mediante o envío dunha mensaxe de correo electrónico ao Grupo Compostela de Universidades (grupo.compostela@usc.es), indicando no asunto «Inscrición GCU Maris». Tamén poden realizarse telefonicamente.

8. CRITERIOS DE SELECCIÓN

Para levar a cabo o proceso de selección final atenderase aos seguintes criterios:

- ✿ Orde de entrada da inscrición.
- ✿ Paridade de xénero.
- ✿ Nota media do expediente académico e carta de motivación.

Proxecto GCU Maris

BASES DA CONVOCATORIA

- Favorecemento da distribución xeográfica e universitaria.

Durante o proceso de selección, poderá requirírselle aos/ as participantes calquera outra documentación adicional que se estime necesaria a fin de obter a mellor resolución.

9. RESOLUCIÓN DAS CONVOCATORIAS DE PRAZAS E BOLSAS

O Grupo Compostela de Universidades emitirá unha **resolución** que conterá os datos dos/as **aspirantes seleccionados/as** nun prazo máximo dun mes, a contar desde a data de peche do prazo para a presentación de solicitudes. A resolución conterá a relación ordenada das persoas seleccionadas y se designará a cinco suplentes.

O GCU comunicará tamén aos/as seleccionadas a resolución definitiva, a través do correo electrónico facilitado por estes/ as nas súas solicitudes. Unha vez remitido a mensaxe, o/a interesado/a dispoñerá dun prazo de **5 días hábiles**, a contar desde o día seguinte á recepción da comunicación electrónica, a fin de proceder a ingresar o importe da matrícula na conta bancaria que se lle facilitará a este efecto ou a aceptación da bolsa.

As prazas iranse cubrindo a medida que o/a aspirante seleccionado/a pague o custo da actividade no prazo establecido. No caso de que non se realice a devandita actuación, o/a beneficiario/a decaerá nos seus dereitos e quedará automaticamente excluído da lista de seleccionados.

10. OBRIGAS DAS PARTES

Durante a execución do proxecto, as persoas seleccionadas para participar no proxecto **GCU Maris** han de respectar as normativas e regulacións da organización, no referido ao horario, código de conduta, regras de confidencialidade e obrigas sociosanitarias.

Ademais, os organizadores cubrirán o aloxamento e manutención destas persoas, desde a tarde do 17 ata a mañá do 24 de xullo de 2022.

Igualmente, todas elas contarán coa cobertura dun seguro de accidentes e responsabilidade civil durante a travesía, contratado pola organización.

As entidades organizadoras solicitarán aos participantes subscribir un seguro que lles proporcione cobertura sanitaria en Europa, se non dispoñen desta.

Proxecto GCU Maris

BASES DA CONVOCATORIA

11. ACEPTACIÓN DAS BASES DA CONVOCATORIA

A participación nesta convocatoria implica a aceptación de todas as súas bases. De conformidade coa Lei Orgánica 3/2018 de Protección de Datos Personais e Garantía dos Dereitos Dixitais, os participantes, mediante a súa firma no formulario de inscrición, consenten o tratamento dos seus datos persoais, relacionados cos procedementos do programa, ao Grupo Compostela de Universidades e ás entidades colaboradoras no proxecto.

Con respecto a todas aquelas cuestións non contempladas nas presentes bases estarase ao disposto na Lei 39/2015, do 1 de outubro, de procedemento administrativo común.

12. RESPONSABILIDADE

O Grupo Compostela de Universidades non se responsabiliza de problemas técnicos, de hardware, software ou outros, de calquera tipo causados por terceiros, nin de perdas, fallos electrónicos, comunicacións incorrectas, incompletas, inexactas ou atrasos causados polo usuario ou por calquera equipo ou programación asociado ou utilizado, ou por calquera erro humano, ou outro, que poida ocorrer durante a convocatoria.